

乾隆三水縣志

三水古壤地具風俗物產詳於七月一篇秦漢來如司空倫乎
韋琦范廣支祥與閣學育文參議在中政事文章後先輝映皆
在國史顧其間沿革損益暨里黨之側身修行不以時蒐輯排
纂之其奚以勸學惟

邑侯林公修於萬歷辛巳訖康熙丁巳距今又百餘年

齊公曉航者以壬寅攝篆於茲閱舊志而有感焉俾春生等任
採訪自惟末學惛惛不勝是懼癸卯夏未竣事而公有石泉之
補而我

心銘葛公至公之下草也心勞燕字凡不便於民者力爲裁省
又念積貯所以備荒社倉民命攸關比年耗饑他日大爲民累
公勸諭開導而前之拖避者率輸將恐後焉茲復親履郊坰相
土田察汜水之可資灌溉者已約數百餘頃俟

憲批施行吁嗟公勤矣而訟庭清閒載取舊稿校營之正其
則其繁不支蔓不罣漏後之撫斯土者覽斯志也因地制宜
求民隱則是編其左券也 卷生 等生逢

世亦得於築場納稼之餘瀉羔羊朋酒以觀
公德化之成云

邑 事人馬
貢生家春生謹識
庚生馬斯彦

三水縣志序

兵部侍郎兼都察院右副都御史巡撫陝西等處提學御史孫承澤撰

志之體例出于括地志元和郡縣志太平寰宇記長安志外此
宋元人著作地理亦可觀也世稱武功志及朝邑志然朝邑大
縣嫌其篇幅太窄武功志以蘇若蘭文爲首卷亦非方志之體
縣志之善必求諸唐宋人乎三水縣稍僻羌無故實舊志疏畧
尤甚知縣葛君到官以來政平民和百廢具舉因言其地精神
耆老好尚文雅念

皇朝厚澤深仁重熙累洽自一縣官師制度法良意美及孝悌
節烈按科中策之士蒸蒸焉月異而日新不可無紀載以表富
時而示來世適有陽湖孫明經所學該博負一時盛望因屬撰
成之于覽其實能考書傳之故事削舊文之猥冗其以藝文

分隸各部及刺取書傳必載所出皆宋元人方志之法異乎流俗之爲之也藝文則載其有關政事者餘概從削又獲于予心故爲序而行之志凡十卷十四部縣譜一故城二國城鄉鎮亭堡砦三山屬四水屬五城署關橋坊古址六壇廟寺觀墓七職官八地丁錢糧九兵防十名人十一列女十二科貢十三封贈十四孫君著述之簡而有法如此恐有議其簡者予爲道其體例云

新修三水縣志序

王阮亭云近世志書能文簡事覈訓詞爾雅無如康對山之武功志其他若呂涇野志高陵等十餘種猶有黃圖決錄之道焉而時人又謂史志務在簡核方志務在詳核一事不舉將有挂漏之弊其說若兩岐而余謂志猶史也史固隨時而變例志亦

因地以制宜若宋子京之修唐書事增於前辭省於舊議
之余訪選初得盤屋奉檄供備時調者武功以饋報循例復

歲
奏留歲事軍需代篆永壽尋補沔縣赴

關得蒙

恩允旋於太華道中適奉內諄茲復重來歷署安定高陵及承
乏三水所至之邑往往稽其形勢典章察其民生土俗流覽往
志之文辭究無逾於武功高陵之右者洵乎前賢之論不誣矣
三水古函也又以泂水得名按說文引爾雅曰西爲泂國謂四
極汎西極之水也邑誠僻壤矣然而公劉郇伯之所安集郊野
焉異之所規圖卽產斯土者第五倫第五琦文彥博之流風遊
韻猶存也志修于康熙丁巳舉行者邑令瀛海林公達泰紹纂

者邑人司李文君俸天顧斐然可觀迄今逾百載矣我

朝重熙累洽已徵此戶可封

皇上教養涵濡北庭以西函濠以西咸隸版圖澤洋恩溥羣生
靡不得所况近在關輔者乎近奉大中丞舉公檄重修此志凡
城池衙署書院廟宇橋梁之繕葺新建地糧之減戶口之增弊
姑課程之裁解鹽茶法更定職官科目德行藝文之宜積補者
選邑之紳士考訂而增益之裝時之闕如者燦然大備其于考
古似較康呂兩公精核焉蓋遊史傳之法不失簡核之規他日
者得周漢唐宋之人材以仰承

聖天子久道化成之治并叨芑開府公升猷永世之休爲茲邑
增輝且將以是志就正博雅君子也乾隆五十年歲次乙巳正

月上元日山右葛德新書

水經

卷一

漢書

卷二

地理志

卷二

山陽

水經

卷三

城野

卷四

地理志

卷五

雜考八

卷六

地丁錢糧九

卷七

兵防十

卷八

名人十一

卷九

詩文十二

卷十

雜考十三

卷十一

圖序十四

三水縣志目錄

三水縣志卷一

知縣為德新王修

陽湖孫星

縣譜一

三水縣後魏置二漢曰栒邑屬右扶風疑亦高平爰得二縣地

証見故城章魏晉以來不著栒邑當卽汾邑後魏置三水縣取漢縣

名屬新平郡西魏置恆州尋廢隋屬北地郡開皇三年郡廢以

縣屬幽州唐因之爲繁縣天寶元年改州爲郡屬新平郡宋屬

邠州爲上縣金同元至元七年省縣入淳化明成化十三年九

月復析淳化置三水屬邠州爲僻簡下縣

國朝因之爲簡縣屬直隸邠州今考史傳所紀具于左又漢有

三水縣其治在今甘肅涇州非此也魏收李吉甫樂史俱以爲

邠後魏三水者誤今亦具于左而加證焉

班固地理志右扶風縣有枸邑

李善注文選引此云右扶風拘縣枸與邠同又作拘

又安定郡縣有三水屬國都尉治莽曰廣延亭

元和郡縣志三水縣本漢舊縣以縣界有縣川谷三泉並流故以爲名

太平寰宇記云云同

星衍校漢三水縣治在今甘肅涇州是唐朱良原縣故元和郡縣志云良原縣本漢三水縣地屬安定郡今安定縣界三水故城是也今三水縣實漢枸邑縣自後魏取漢三水縣名移治于此耳魏收李吉甫樂史卽以爲漢縣非

又按舊志云漢景帝二年循邠侯之封置邠邑又云永光元年三水縣不知所出

右漢

河陽郡國志右扶風城有栒邑

又安定郡城有三水

魏收地理志三水二漢屬安定

是衍按魏時三水移治實漢栒邑而收所云當以循漢舊名故耳

右後漢

元和郡縣志魏改三水縣爲西川縣亦屬安定

太平寰宇記云云同

是衍按此亦漢三水改名西川與漢栒邑之是今三水者無與以李吉甫樂史載在三水下今亦採焉栒邑縣自魏以來書傳不著晉書地理志新平郡栒邑疑卽栒改名也

右魏

晉書地理志新平郡有汾邑

魏收地形志三水晉屬

原行按太平寰宇記云邠邑原上有栒邑故城則卽晉汾邑也

右晉

魏收地形志新平郡領縣有三水云二漢屬安定晉罷後復爲
元和郡縣志後魏今縣理西二十八里重置三水縣取漢舊名
屬新平

太平寰宇記後魏初于今縣西二十八里置三水縣復漢舊名
屬新平郡

又大統十四年移縣于今邠州東三里新平故郡白馬堡

具晉後魏收亦以魏三水爲卽漢縣亦誤李吉甫樂史言是

右魏

隋書地理志三水 山號贊皇州尋廢

右西魏

隋書地理志北地 統緣有三水

元和郡縣志隋開皇三年以縣屬幽州

太平寰宇記隋開皇三年移理于幽州西北十五里城大業元年自故郡城移于今理

又北地郡義寧元年領三水二年以三水屬新平郡

古隋

劉涇唐書地理志邠州領縣有三水隋縣

元和郡縣志邠州管縣有三水緊

新唐書地理志邠州縣有三水緊

元和郡縣志開皇三年以縣屬幽州皇朝因之

太平寰宇記唐武德元年以新平郡爲幽州三水縣屬焉
又元和二年移縣於隴堡下舊城初大歷中吐蕃焚縣城又移
堡上人民不便爲幽帥郭釗所請復移下之

右唐

太平寰宇記邠州元領縣有三水縣

文獻通考邠州三水後魏縣

宋史地理志邠州縣有三水上

右宋

金史地理志邠州縣有三水

右金

元史地理志淳化云至元七年省三水入本縣

正升續文獻通考淳化云元至元中併三水入縣

右元

續文獻通考邠州三水本淳化縣地本朝成化

四年今本則作
誤作未淳化也

四年析置

明史地理志邠州三水云州東北成化十三年九月析淳化縣

置

明經三水裁併闕下

此圖今見影寫
本刊本不存

右呀

故城二

三水縣自漢以來凡五移治皆見地理書有故城漢枸邑其漢

三水城則在甘肅涇州西南舊志以爲盧芳所居是誤以漢三

水爲在此也邠州志云三水有高平里有原得里高平爰得是

漢縣名屬安定與今里名同疑卽漢二縣故城所在魏收地形

志云高平有石門山此山在三水境亦可証知高平當在境內也但後漢書注云漢高平卽今原州則當在今甘肅固原州界恐是後魏時移漢縣于此耳爰得縣樂史又載在新平而與三水接界既有原得里原爰音相近其故城爲在縣境無疑也此二縣故城者今時地理家俱不及著今具于左

景懷太子賢後漢書注梅邑故城在今幽州三水縣北梅音旬元和郡縣志三水縣梅邑故城在縣東二十五里卽漢梅邑縣屬有扶風古郿國也

太平寰宇記今縣東北二十五里郿邑原上有梅邑故城卽漢

宋敏求引三輔黃圖云郿邑城在縣治東二十五里

是行按今三水城又在唐宋治西可五里則古梅邑城當在今

縣東三十里

右曰均邑治

元和郡縣志後魏于今縣理西二十八里重置三水縣

太平寰宇記云云同

星衍按當在今縣西二十三里

右魏治

太平寰宇記三水縣大統十四年移縣于今邠州東三里新平故郡白馬堡

星衍按當在今邠州

右大統移治

太平寰宇記三水縣隋開皇三年移理於邠州西北十五里城

右隋治

太平寰宇記三水縣大統業元年自故郡城移於今理

元和郡縣志三水縣西南至州六十里

太平寰宇記邠州三水縣東北六十里

明邠州志舊三水城在縣東五里東西八里南北三里遺址門
落臺基俱存

舊縣志三水舊城東西六里南北半之遺址尙存

右大業移治及唐宋治

太平寰宇記元和十二年移縣於隴堡下舊城初大歷初吐蕃
焚縣城又移堡上人民不便爲邠帥郭釗所請復移下之

舊縣志職田鎮在縣東北三十里唐時以爲縣至憲宗復移舊

唐鄭谷春過邠邑詩云百里花封俗化淳名蹟

谷評白虎藏巖洞地湧金泉過石門舊縣城類三水鎮故家
樹老五林邨碑殘墮落夫人冢苔蘚年年長淚痕又云一脈
清流何所之紫莎漱蘚入僧池雲邊野客尋來處石上寒猿
日落時聚沫漣漣殘雪在迸流穿樹墜花隨烟春雨晚開吟
後不復重遊黃鳥坻

右元和大歷移治

地理志安定郡縣有高平莽曰鋪陸

地形志新平郡領縣有高平二漢屬安定晉罷後復屬

明邠州志三水有高平里

星衍案漢高平治當在今甘肅固原州故章懷太子賢注後漢
書云即今原州也今三水有高平里者恐是北魏時移治于此
以地形志云高平有石門山知之

右漢新平治

地理志安定郡縣有爰得

地理志新平郡領縣有爰得前漢屬安定後漢晉罷後復屬
太平寰宇記新平縣有爰得城漢書地理志云爰得縣屬安定
郡漢省則此城也

明那州志三水有源得里

星行按原爰字音同當即爰及後魏治

右漢爰得治

國城鄉鎮亭

卷三

幽國之在朔方 見班固地理志而許叔重說文反以爲在秦陽
則所紀乃大 之遷居也漢王泰又以爲在新平則以接壤而
誤也拘邑之 不知所始應助以爲周那國臣瓚据竹書以辨

其非師古稱其善甚是而李吉甫樂史猶承臆說之謬何也
劉昭所稱劉邑魏收所得隋蕙城等皆當在此縣而無可考或
以接壤入他縣界中或是俗失其名俱所不詳今以書傳加詳
于左

毛詩國風幽七月章七月流火九月授衣一之日昃發三之日
栗烈無衣無褐何以卒歲二之日于昃四之日泰趾同我婦子
饁彼南畝田畯至喜七月流火九月授衣春日載陽有鳴倉庚
女沬黶備禮彼微行爰求柔桑春日遲遲采芣苢禘女心傷悲
嗚及公子同歸七月流火八月萑葦鷺月條桑聖彼蒼新以代
藟揚荷彼女桑七月鳴鵙八月載績載元載黃我朱孔陽爲公
于裳四月秀葽五月鳴蜩八月其穫十月墾種一之日于貉取
彼狐狸爲公子裘二之日其同載績武功其私其勳賦研于公

之文之州政政者其出入也一物不問純以於公劉太公之
所爲太師大柱其志正意於公之碑故則其詩以爲由國變

風

毛詩大雅公劉章篇公劉匪居匪康廼場廼疆廼積廼倉廼聚
飯糧于彙于茲思輯用光弓矢斯張千戈戚揚爰方啟行篤公
劉于晉斯原既庶既繁既順迺宜而無永嘆陟則在嶽復降在
原何以州之維玉及珣韡韡容刀篤公劉逝彼百泉瞻彼溇原
廼陟南岡乃觀于京京師之野于時處處于時廬旅于時言言
于時語語篤公劉于京斯依踰踰濟濟俾筵俾几既登乃依乃
造其曹執豕于牢酌之用匏食之飲之君之宗之篤公劉既溥
既長既景乃柯相其陰陽觀其流泉其軍三單度其隰原徹田
爲糧度其夕陽幽居允荒篤公劉于朝斯館涉渭爲亂取厲取
鍛止基迺理爰衆爰有夾其皇淵迺其止旅乃密芮鞠之

卽

孟子昔者大王居邠狄人侵之事之以皮幣不得免焉事之以
犬馬不得免焉事之以珠玉不得免焉乃屬其耆老而告之曰
狄人之所欲者吾土地也吾聞之也君子不以其所以養人者
害人二三子何患乎無君我將去之去邠踰梁山邑于岐山之
下居焉邠人曰仁人也不可失也從之者如歸市

孔叢子子思曰狄人攻太王太王召耆老而問焉曰狄人何來
耆老曰欲得菽粟財貨太王曰與之與之至無而狄人不止太
王又問耆老曰狄人何欲耆老曰欲得土地太王曰與之耆老
曰若不爲社稷乎太王曰社稷所以爲民也不可以所爲民者
凶民也耆老曰君縱不爲社稷不爲宗廟乎太王曰宗廟者私
也不可以吾私害民遂杖策而去過梁山止乎歧下與民之聚

求修奔而從之者三千乘一止而成三千乘之邑

史記周本紀公劉卒子慶節立國於陶

索隱曰陶卽邠也古公

志云山州新平縣卽漢漆縣

慶節卒子皇僕立皇僕卒子差弗

立差弗卒子毀隃立

音踰世本作掄

○索毀隃卒子公非立

日世本云公非辟方也

公非卒子高圉立

宗忠曰高圉能舉社

而說云公非字辟方也

高圉卒子亞圉立

都亞圉字○索隱曰漢書古今

云高圉侯作

高圉卒子亞圉立

都亞圉字○索隱曰漢書古今

表曰雲都亞圉弟按如此說則

亞圉平子公叔祖類立

方侯仲亦皆二人之名實未能詳亞圉平子公叔祖類立

本云太公祖紺諸盤三代世表稱叔類凡四名皇公叔祖類卒

于古公亶父立古公亶父復修后稷公劉之業積仁行義國人

皆戴之薰育戎狄攻之欲得財物予之已復攻欲得地與民

皆怒欲戰古公曰有民立君將以利之今戎狄所爲攻戰以吾

之予不忍爲乃與私屬遂去幽渡漆沮徐廣曰水在杜陽岐山
杜陽縣在扶風踰梁山止於岐下正義曰括地志云梁山在襄
州好時縣西北十八里徐廣
岐山在扶風美陽
西北其南有周原 幽人舉國扶老攜弱盡復歸古公於岐下
班彪北征賦息郇邠之舊鄉慕公劉之遺德

地理志柁邑有幽鄉詩幽國公劉所都

括地志幽州新平縣卽漢漆縣詩幽國公劉所邑之地也

元和郡縣志三水縣古幽城在縣西三十里公劉始都之處

太平寰宇記三水縣古邠城在縣西南三十里有古邠城在邠
川水西蓋古公劉之邑卽此城也國都城記邠國者后稷之曾
孫曰公劉始都焉邠國名也與故柁邑城相去約五十餘里漢
志注云邠鄉是也

明邠州志三水縣柁公鄉在縣東三十里

縣志古公鄉在縣南三十里上連土橋南卽公劉墓
星衍校許君說文云邠周太王國在右扶風美陽從邑分聲
美陽亭卽豳也民俗以夜市有豳山漢美陽今武功縣蓋許君
所言太王止岐下之邠國也班固所言公劉始都之豳國也又
說文云豳亭民俗夜市亦在美陽劉昭注郡國志所引新論則
云邠在漆縣其民有會日以相與夜中市如不爲則有灾咎則
豳亭夜市又在邠州豈太王遷國其俗亦遷故邪

又按魏王泰言豳國在新平縣李吉甫言在三水亦俱不同

右豳國

地理志梅邑應邵曰左氏傳曰畢原鄆郇文之昭也郇侯賈伯
伐晉是也臣瓚曰汲郡古文晉武公滅荀以賜大夫原氏豳是
爲晉叔又云文公城荀然則荀當在晉之境内不得在扶風界

也今河東有荀城古荀國師古曰瓊說是也此梅頤與荀同白
別邑耳非伏羲者

元和郡縣志三水縣梅邑故城在縣東二十里古郿國也左傳
云舉原鄆郿文之昭也

太平寰宇記三水縣郿邑故城在縣東二十五里卽漢梅邑屬
右扶風有郿鄉應劭注云左氏傳畢原鄆郿文之昭也荀侯賈
伯伐晉是也漢爲縣

史記高祖功臣侯表國名有恂侯功云以燕將軍侯王四年從
曹咎軍爲燕相告燕王荼反侯以燕相國定盧奴千九百戶高
祖八年十月丙辰頃侯濞疥元年

漢書表作擄

按此是擄
字之誤

史記索隱恂縣屬右扶風音荀故周文王封其子恂邑

左行澗流文郇周武王子所封國在晉地又杜預注春秋左氏
師退單于獻云解縣西北有郇城則瓊說也是也周郇國實不在
此李吉甫司馬貞嘗承應劭之說若漢匈奴侯國實在此

右郇國

劉昭注郡國志梅邑又有劉邑

昆衍按此未詳所在

右劉邑

括地志三水縣西十里有幽原幽城在原上見玉海詩地理攷

右幽城

地形志三水有隨意城

星衍按此未詳

右隨意城

地形志爰得有邑城東魏城

星衍按爰得卽今原得里則二城或在境內

右邑城東魏城

縣舊志八王城在磨川中流因八王城等故址也舊址猶存

右八王城

鄉鎮亭壘砦三

地理志右扶風梅邑有兩鄉

太平寰宇記三水縣舊十三鄉今十二鄉

明邠州志三水縣有三水里蒲邨里北宮里南宮里職田里文
義里焦邨里金泉里爰得里豐泉里義豐里高平里有南頭邨
西頭邨黃祿邨百子邨彭城邨係原得里地方有趙莊百堆頭
北宮里地方有店頭邨高平邨係高平里地方有魏莊邨

縣保安邨係南宮里地方

右鄉

金史地理志三水鎮一清泉

明州志三水縣有土橋鎮張空鎮職田鎮大羽鎮底廟鎮
縣舊志職田鎮在縣東北三十里唐時以爲縣至憲宗復移舊
治今城三里相傳爲尉遲敬德務農處廟址存焉張洪鎮在縣
西三十里城週二里三分十橋鎮在縣西南四十里當古公原
之衝底廟鎮在縣北五十里城週二里二分太羽鎮在縣北二
十里城週二里三分舊無鎮今無集市

右鎮

縣舊志陶亭在縣東北五十里

又廣延亭新莽更三水縣爲此

星衍按廣延亭是漢三水改名其地在今甘肅涇州舊志誤載
于此幽亭亦不著書傳

右幽亭廣延亭之誤

以邠州志三水縣有雙槐堡在縣西五十步四壁懸崖上二層
共有平地二頃餘昔張思道李思齊據此此尚存防秋修築
遺患極爲要地

縣舊志雙槐堡在縣西五十步四壁懸崖碧流東繞下有古槐
一根二幹故名上有平地二頃官舍民屋卜居焉前高知縣劉
始今林知縣重修又云明季辛巳流寇猖獗知縣高知僉謀中
築城登橋分立縣治倉庫於其上

高知縣治七年知縣王備復申請葺脩歷年倉貯因之康熙乙
酉丙辰間知縣林同發築修城垣橋道衙宇倉房處其堂曰井

林近泰荜柳亭詩序甲寅乙卯閒遭亂余城守戒嚴有三西
侯爲昔避患處官署倉庫在焉查圖諸余謀然非之繼逆氛
猖獗及於難人皆咎余守經而不知權余無以解乃嘆昔人
創造良有深意且慮高臨險爲城保障因捐資鳩工仍舊址

而鼎新之乙卯秋築石橋曰緜橋蓋周之初生始於幽房
僻處瓜瓞者丙辰夏葺其堂曰井勸按井爲幽分野而乃云
君子以勞民勸相竊有志焉復顏之曰鴻賓鶴和蓋一時亦
能高飛遠舉不得不冥冥以避弋獲而君子居其室出其言
善則千里之外應之出身加民乃鶴和之義以自警也堂後
築一亭取材於一筮而成文俶明先生手題曰荜柳昔陶令

門前種柳余今以柳爲亭斯亦做陶之意而做明乃欲以柳
做棠因幽人忠厚遺風余益慙然矣

舊志隴川堡在半川之後四面壁立溪澗環之隋大業間於
立縣堡北臨河傳爲四仙驛遺跡存焉

右堡

縣舊志兩女砦去縣七十里地勢高聳南望平行麓有兩塚
焉舊傳秦扶蘇二女卜葬於此

右砦

三水縣志卷二

知縣鄧德新主修

陽湖孫星衍撰

山屬四

三水縣山名最古者周書度邑解云王乃辨汾之阜以望商邑今不知其何阜石門山輿史記括地志並云見于堯時今其半入淳化又太平寰宇記于縣轄子午山馬嶺山女郎山今子午山馬嶺山半入甘肅興寧女郎山按元和郡縣志云洛原縣白於山一名女郎山在今甘肅安化縣界亦與縣境不甚遠而舊志空疏皆未及載今依採焉其餘諸山經傳不著直見舊志方俗稱名而已

史記秦本紀獻公二十一年與晉戰于石門正義括地志云堯門山俗名石門在雍州三原縣西北上有路若門故老云堯鑿

山爲門因名之

地形志高平有石門山

元和郡縣志三水縣石門山在縣東五十里峯巖相對望之似門

太平寰宇記三水縣石門山王褒雲陽宮記東北有石門崗巖糾紛千霄秀出有石巖容數百人甘泉賦云封巒石闕施靡庫延屬

新唐書地理志三水有石門山

金史地理志三水有石門山

明邠州志石門山在縣東六十里俗傳秦太子扶蘇賜死處碑刻墮落不可考

縣舊志石門山亦名堯門堯盤之以洩洪水至漢更名石門山

在縣東南爲國之鎮高峻插天對峙如門以漢武於此立廟
爲名

星衍按石門之名在秦獻公時見史記秦本紀則括地志云俗
名非

明劉紳石門卽事詩云峻嶒石壁千山逸豁達雙門一逕開
更有藤蘿淹日月豈無龍虎出蒿萊空中樓閣供奇玩眼底
風雲起後才聞說扶蘇遺廟在年年烟雨爲誰哀

右石門山

初學記水經注曰白水源出汾水嶺西

太平寰宇記三水縣翟道山一名子午山

按三水北與徵寧接界子午山在徵寧故云

縣舊志分水嶺當縣之東北九十里其嶺上接子午北入大漠
東爲延州西爲慶州

星衍案初學記所載汾水嶺在鄜州三水正與鄜州接壤知汾水嶺卽縣志所云分水嶺

右子午山一名汾水嶺

太平寰宇記三水縣馬嶺山俗名箭括嶺抵慶州界有馬嶺水出焉

通志在縣西北六十里

右馬嶺山

元和郡縣志白於山一名女郎山

太平寰宇記三水縣華池女郎山並在郡邑

右女郎山

賈志中嶺在縣東堡嶺之石高下有穴數十容百人俗傳漢盧

芳所鑿今名官家洞

按盧芳所據三水在甘肅涇州非此三水

明邠州志官家石洞在縣東北三十里宋金人避兵于此其山高三百尺上有石室三百餘內有石門石坑石窗至正九年造有碑下有觀音湫

縣舊志亦名飛雲洞卽古公陶復陶穴者

元官家石洞碑

名佚

居士蕭元義在御史見趙斯宿顯清縣尹

雖恭娘子張氏達魯花赤禿堅帖木兒夫人周氏趙氏亦居

此處四方常安黎庶普避世事二年廣務農桑皆至正十九

年六月初六日後二十二年壬寅十一月黃鍾吉旦立石斯

寨也綠水崎嶇山名石秀前衝石門山後負兩女寨左有堡

嶺寺右有鷄阜山上一舍之餘山勢似龍虎爭鬪之形澗

溪如龜蛇盤曲之髯先賢造作之遺跡也至正十一年辛卯

鶴值東夷兵革漸至陝境官僚醫士庶賢愚皆願此洞潛

遁至癸卯隱居一十三年矣太平之年何日而獲故爲是題云

明文運熙飛雲洞開路記邑之東二十里有洞名官家古矣河環一帶之流山峙萬丈之巖石寶鑿其中高高下下參差於巖岫間者縣亘百里志云避兵而作也縣尹御史蕭居焉棧道連雲石梯落霞網戶萬啟星牕千開真幽之第一勝槩也奈歲久路湮不可階升故景雖奇而未嘗著聞者遊觀稀也邑之民李福趙介欲闢其路令僧眞普請命於邑侯秦可之作簿丐緣官捐其俸民輸其材鳩工數十以董之石以爲階就基也木以爲檻防仆也邑之崇神者繪諸像於各洞中以壯觀焉肇役於萬歷己卯五日落成於庚辰陽之杪上吉日余以歲耑閑暇爰約金闕徐步以遊則地不殊舊景益增

新臥被大虛之雲起繞而岡之月風雨驟來空谷播絲竹之韻露霜偶凝庭宇砌瓊瑤之階八萬三千之戶不殊金樞七十四回之遊有同峻院日車駛於穴中雲衣生於石上易其名曰飛雲尤於洞爲不誣遊之探勝尋幽者見桃花夾岸知有問津之人望麻徑常攜不負遊山之夢覽斯記也不與歸盤谷之文遊赤壁之賦有同志者哉

右中橫官家洞

明邠州志肖塔山在縣東四里又云密谷義谷麻谷俱在縣東三里肖塔田山之下

縣舊志形似七級浮屠亦石闕之支

右肖塔山

明邠州志雞阜山在縣東北二里

縣舊志雞阜山舊縣城址在其前侯君樂冢當其麓

右雞阜山

明邠州志黑石巖在縣東五十里

縣舊志巖色黝黑壁立萬仞林木陰翳

通志佛面坡卽黑石巖見名山記

右黑石巖

明邠州志蒲谷在縣東二十五里

右蒲谷

明邠州志甘谷在縣南十里舖

縣舊志爲赴省孔道水晴高低衢柳參差南上五里長阪通古

公原

右甘谷

明邠州志柳谷在縣南三十里

右柳谷

明邠州志後谷在縣北十里

右後谷

縣舊志堡嶺在縣東三十里卽漢之左谷後秦魏武王姚襄立寨三百六十堡嶺其一也上有元人所建閣若旁支俗名龍背孝子文少蒼易名龍山種柏千株翠色欲滴

右堡嶺

縣舊志石甯山亦名馬關在縣東十五里三面壁立如削一徑宛蝕水經其下彎環曲抱

右石甯山

賈志幽山一名翠屏山一名挂榜山在縣治南大雅所謂南岡

縣舊志峯有孫真人行洞元夕並二月二日隨山布鈿若列尾
焉

右翠屏山

縣舊志雋家山在挂榜山南五里

右焦家山

縣舊志戴家山自石門北折入林木陰翳不復平壤

右戴家山

縣舊志蘭林山至縣六十里日出銜照丹霞掩映

右蘭林山

通志兩女砦在縣東北七十里其麓有兩冢俗傳爲秦扶蘇二
女葬處

右兩女砦

縣舊志白虎谷在縣西北十五里卽唐鄭谷詩所謂谷評白
藏岩洞是

右白虎谷

縣舊志神林山在縣東七十里因有茂公祠得名

右神林山

縣舊志鳳皇山在縣西北隅岡若鳳形稱有阿徒堡廢址存

右鳳凰山

縣舊志蟠龍山去縣三十五里

右蟠龍山

縣舊志劉家山在縣東四十里舊有炭窰康熙四十年久雨崩
陷民失其利

右劉家山

縣舊志捫天嶺在石門南曰攬天嶺文翔鳳改名

右捫天嶺

縣舊志觀音巖在趙洞左上則藤蘿垂陰下有紆曲遇賦乾祈
輒應

右觀音巖

縣舊志桑邨洞在官家洞左或爲元西臺御史桑哥失里所穿
門依碧流攬勝所集

右桑邨洞

縣舊志趙家洞亦名環天河去縣二十五里光祿文翔鳳生于
洞陽柏下其巖深長寬平可眺遠內有石室

右趙家洞

縣舊志流石洞右谷中環繞如城谷口對峙如門遠眺平田水

有枕流之想

右流石洞

縣舊志白石洞在縣東七里文倬天種桃百株其麓收曰桃洞春月紺紅如錦

右白石洞

水處五

沁水見于書傳者有沁水最古周書王乃升汾之阜以望商邑汾字說文作汎汎汾聲相近也縣有分水嶺初學記云水經注有白水源出汾水嶺西知汾水嶺乃沁水嶺嶺以水名俗呼之分水耳樂史引水經以大陵水爲卽詩皇湖今水經無此文未知何据羅州水見元和郡縣志而舊志云又名勅修川爲後秦姚襄得名亦不知何出其餘諸小水皆是俗稱今考縣大小有

二曰泃水源出鄆川宜君縣界石門山西南流入縣界蓮家河水出縣東馬欄山西北注之泃水又西南東澗河水自城東門外東南注之泃水又西逕縣治南稍泉北入焉泃水又屈南西溪河水自城西南流注之次南溫涼河水出縣西寶峯谷南流注之泃水又西南蒼耳溝水西南注之泃水又西南至邠州界南入于涇曰羅川水出縣北分水嶺西南流大陵水自甘肅徵寧縣來西南注之羅川水又西南至邠州東北界南入于涇小水三曰梁渠川出縣北二十里西南流至邠州入于涇曰七里川出縣南六十里西南流至淳化縣入于涇曰清水出縣東石門山東南入西安府耀州界至涇陽縣北入于治谷水湫曰萬壽湫見新唐書觀音湫見舊志泉曰一泉金泉白馬泉稍泉松林泉今著于左

爾雅西至於邠國謂之四極

許君說文汎西極之水也从水八聲爾雅西至于汎國謂之四極

明邠州志三水縣三水河在縣南發源宜君縣競窩山西流四十里入于涇

西安府志汎川水源出石門山流合玉泉白馬泉稍泉故三水以名縣

縣舊志汎川在縣城抱南園亦名師水灌溉川田民獲其利過縣四十里入涇

右汎水一名三水河

金史地理志平有汎水

星衍案汎汎聲相近疑一水

右漢水

太平寰宇記三水縣有古邠城在龐川水西

星衍案沃龍聲亦相近疑亦一水

右龐川水

太平寰宇記安定縣洛水按水經云一名馬嶺川酈元水經注

云洛水又南經柵邑入涇

又三水有馬嶺山馬嶺水出焉

又瑯琊水水經云瑯琊水出

是衍案此水今經長武縣入涇不經三水只樂史云經柵邑城

故載之

右馬嶺川一名洛水及野水

通志三水縣蒼耳溝在縣南十五里西南流入汎水

右蒼耳游水

明邠州志三水縣金泉在縣北二十里車川邨其水色黃

縣舊志金沙泉通志云昔有人飲此水見金色燦爛故名之唐鄭谷詩所謂地湧金泉過石門

右金泉

明邠州志三水縣白馬泉在縣東大像寺之下

縣舊志白馬泉陰雨則伏而不流曠乾則湧而溢出莫測其異
右白馬泉

明邠州志三水縣稍泉在縣東三里四時常從高山湧出產螺

明文游遊稍泉詩云幽徑蒼無際捫蘿到水頭看山僧共坐巖
句鳥相酬雲落空潭影蟬鳴古樹秋登高聊一望暮雨鎖煙樓

右稍泉

明邠州志三水縣玉泉在縣東二里玉泉觀左味甘美或說穢
衣印潤

縣舊志甲寅夏知縣林逢泰禱雨于此立應

右玉泉

明邠州志三水縣松林泉在秦輝鎮松林城下水出如珠

右松林泉

縣舊志堡嶺泉名龍泉亦名天池在堡嶺絕頂四面石壁泉自
嶺上直流而下昔元人據嶺汲飲不斷賴此

右堡嶺泉

縣舊志觀音湫去縣二十里凡遇天旱禱雨輒應

右觀音泉

縣舊志石門湫亦名乾湫在扶蘇廟下禱雨有應

星衍案此水今亦不經三水

右石門湫

詩夾其皇澗

太平寰宇記真寧縣有大陵水注水經云大陵山陵水出焉巡
和南殊川西南逕寧陽縣故關詩云夾其皇澗陵水卽皇澗也

案樂史所引水經今本皆無文

明邠州志三水縣支唐川在縣北三十里

縣舊志皇澗在縣北二十里當溥源之後俗謠名爲唐川

右支唐川一名大陵水一名皇澗

水經注五丈渠水出雲陽縣石門山謂之清水東南流逕黃嶽
山西又東入祓禱縣

通志清水在三水縣東六十里源出石門山東南流入耀州界

右清水

元和郡縣志三水縣以縣界有羅川谷三泉並流故以爲號
太平寰宇記真寧縣羅川水自彭原縣界流入又云羅川水出
羅山

文獻通考三水有羅川水

金史地理志三水有羅川水

縣志勅修川在縣東北爲後秦姚襄得名源出分水嶺經延
川南奔合白湖達于涇水

通志勅修川一名羅川在縣東北二十里

右羅川一名勅修川

唐書地理志三水有萬壽湫大歷八年因風雷而成

明邠州志三水縣萬壽湫在故城北三十里

縣舊志涉在縣東二十五里當羅唐兩川之處

右萬壽湫

明邠州志三水縣梁渠川在縣北二十里

縣舊志過澗亦名梁渠在縣西北一十八里文與可丹淵集
謂三泉之炭泉者潮起於溥原自北而西南過境爲過澗

星衍按唐昭仁寺碑云投澗而自滋則此水名過澗或唐人
有所指明邠州志又云溪龍潭在州西卽過澗又異

右梁渠川一名過澗

明邠州志三水縣蓮家河源出馬湖山

縣舊志蓮家河在縣東十里發源石門繞中嶺北流入汭水

右蓮家河

明邠州志美原河流入於涇

縣舊志七里川在縣東南其地舊爲寧谷驛山回水折去佛而
坡不遠

通志七里川一名姜原河在三水縣南六十里又云在淳化縣
自三水流入又云源出石門山自三水縣西南流七里川又逕
三里原爲姜嫫河

右七里川一名姜原河

陽州志三水縣西三里冬溫夏涼故名

溫涼泉在寶峯谷中其流出爲溫涼河近寒不凍蘊隆生
涼味甘

明錢若愚遊煖泉記三水之西有煖泉雖亢旱不竭五寒不
澌故謂之煖泉又謂之溫涼河去城一里許北向而入有微
逕過柳溝數十武兩岸如門磬折而入又數十武始隱其麓

登少壇寺寺岑寂無僧惟蘭若而已寺之左右一二居士
復穴居蓋邠之遺俗也邈西又數十武拾級而上山愈峻
愈仄童子置之乃克登至此蓋三休矣俯視溪流微澗如
因度之曰此泉之末流也諦觀湍湍然聲沸之盡矣徐聽之
水聲嗚咽洒洒然如風雨擊之徐而觀聽之飛流瀉石瓊瑤
然如漱玉聲此源之將窮處也既而天日開朗石隙瀆澗溪
流滂沛瀉出於兩山之間者愛泉也掬飲之味甘冽訊之故
老云飲之能去百病益顏若且宜釀酒民爭引之灌田走畦
可數百畝此泉之利用也仰視懸崖瀑布疊流貫珠翠翠沾
洒清冷逼人咸思扶藹矣積雪未消冰山在目宛然瓊島也
予曰噫嘻此亦醴泉也予雖過滁滁人共遊醴泉之盛今此
愧無醉翁耳於時草木叢茂禽鳥鳴集惠風徐來人物熙暢

因與益齋陳子綿江王子竹軒于子喬生濟民張生騰雲萬
生願寧李生子元劄官張祿暨厥子騰蛟輩環列而坐戲以
酒卮效爲曲水燕觴之飲溪凡九曲殺以三級命二三童子
承杯上流信其所止而飲時薄暮弗暇爲詩又作爲小令使
工人歌以侑觴任其首節之短長而止焉聲已而杯輒至由
是咸弗勝飲者矣酒既古泉子豫之曰泉冽兮淋浪酒馨兮
泛瓊漿飲且樂兮壽而康安得惠吾民兮澤四方歌既衆相
稱賀曰今茲之遊亦南亭之勝事也予于咏歸之際述之爲
記將以告夫後遊者

石澗涼河一名溫泉

縣舊志東澗河水在城東門外清流如綫環堞注于汎昔嘗
入城今廢

古東澗河水

三水縣志卷三

知縣葛德新王修

陽湖孫星衍撰

城署開橋坊古陞六

明邠州志 水縣城圍五里三分成化十四年知縣楊謙成化二十一年知縣馬宗仁正德七年知縣趙璽嘉靖二十六年知縣蔣廷佩俱增修闊一丈三尺高三丈五尺池闊二丈五尺深

一文

縣舊志城周五里五分有奇西北枕山谷東南臨溪河門四知縣秦舉名其家曰賓賜南曰凝薰西曰志岐北曰拱辰歲久崩湮庚戌年始重建城樓曰舟翠樓

明李德裕《水經》記三水古幽谷也山環水繞地形完美周人基此以開王業秦漢隋唐皆爲近畿大邑此蓋圖志之可

考者也有元至正十有八年移置淳化縣始廢明因之成化
丁酉居民思復故邑上陳制下仍立三水爲縣從民望也壇
社廟學官署縣舍悉如城邑惟城池門堞則歷有十餘祀經
兩君而未有建焉越丁未新樂馬侯奉命來知縣事將期月
紀綱粗布墮念城池爲保民之具王政之所不廢且知民可
使而力可爲也乃謀及有衆相土度工經畫財用從事土木
壯者借其力富者勸其財工惟其巧農適其力以日計者
若干以工計者若干泉以繕計者又若干城之制扁圍五里
五分有奇暨高三丈闊減丈之尺上樹以堞城之下濬河爲
壕深丈有五尺東西溪水復依壕而注之四隅成關以兩門
之制以土爲胎則堯以石以木爲骨則謨以鐵以木爲門
之上各建樓表瞻望也功始於成化丁未十月迄於嘉治

戊申三月落成之日官民胥慶巍然爲一邑之保障真可以
詳政而禦侮矣然是役也地勢崇卑率因舊址戒事成功悉
倣周制就利避害咨謀僉同及慰勞督勸則盡公之力而人
不與焉嗟功成而民不勞費裕而民不怨侯之賢勞其至矣
今季春候以築城之役雖涉分內而邑之新嘗亦托之金石
以昭示後人也迺述善做廬句文以記之余惟借孔子之作
春秋也一城垣之築必書于策雖以勞民爲重而下陽虎牢
亦明其有不可不築者蓋古者聖人之垂訓必兼盛衰而立
法世不大同官天下者旣不可得家天下者亦必以城郭溝
池爲固故世之欲禦患保民者亦不可不以設險守國爲重
務也哉國家以文運綏太平百有餘年中飭儆守而於城池
之備蓋惓惓焉其亦古人保民致治之至圖也今馬侯策仕

之初獨能以此爲務亦可謂深知爲政之體矣不亦可嘉乎
侯名宗仁字本元世爲新樂望族祖諱謹正統間由監察御
史累遷都憲出撫河南風裁著於天下至今人慕之然則侯
之爲政其亦有所自耶或曰馬侯之爲縣也未三載引西溪
之水通流縣城人獲灌溉之利完逋負之稅致其復業戶有
增羨之美扶善刈強興廢起墮善政纍纍下安而上獲已聞
旌勞之榮是皆可紀者也豈獨城池爲然哉余曰墮淚之理
循良之傳事國各有專主也余非隱人之善者特不敢諛且
濫焉或曰唯遂書此爲創修城池記

右城

林蓬泰舟翠漢紀序余少誦詩至幽風竊嘆周家八百之
盛始基之矣漢季子論樂云美也湯蕩乎樂而不搖洵非豈

也迫承乏茲邑身履其地跡其山川原隰與周公劉董合攷
邑志又所謂雷雨之郁伯者恒在于斯而流風遺俗猶有存
焉第兵燹以後堵堦未起城郭榛蕪滿目蕭然且瘠土之民
稼穡外無餘力七月所載蠶績諸事邈焉難追僅陶穴風
景不殊耳余竊以爲憂謬欲舉百廢而興之媿弗逮也適捐
費鳩工先葺僻政之堂額曰思輯志復古也嗣自城垣成樓
爰及泮宮武亭漸次茨墜一時煥然耳目益勉循職業固守
封豕非徒以肅觀瞻已也若夫丹翠一樓面山帶河懸崖幽
廣之中廓然大觀雖鶴鷄一枝而氣象萬千固已具豐鎬之
樂矣於是邑之人士偕來遊者咸頷而樂之登眺歌咏各盡
其興致所至或云猶幽人之頌余則何敢然余喜夫彈丸僻
壤風雅弗墜則雖公劉卬伯之業不可復觀而撫今追昔其

亦有樂而不溺之遺意歟寧直屏山八水增一佳話也耶
蘇逢奉暮春舟翠樓讌集詩序予重修邑城建南樓題曰舟
翠蓋取公劉舟玉之義而翠屏山卽所謂延陟南岡是也抑
先聖有言君猶舟民猶水得天舟之義夫亦愈思水矣辛亥
暮春告成集諸紳士落之文徵明先生賦詩志歡適同人過
此登覽和咏併錄以志風雅詩云恰攜春酒上層樓八閩屏
峰積翠收百重桑麻慙政拙數聲蛙鼓對琴謀鶯花綠繞雲
侵袖雉堞飛翔六起洲滿座薰風憑剪拂何須姑射羨城頭
林園巧和韻詩云孤城猶喜有南樓眺覽煙光几席收不盡
風雲生筆底好將詩酒與山謀遠沙鷗白依寒渚隔岸峰青
遠翠洲過憶故園丹荔熟輕簾移向阿軒頭

楊紹武丁巳春日登舟翠樓感懷用林景喬明府樓字韻詩

云偶來遊目一登樓萬古風光次第收接檻翠峰皆北向
城誠派轉西流原田未改先農舊陶穴依然太古儔最是此
際多貧險通年鼓角動邊秋

右爲學樓

明雍州志三承縣縣治在布政分司之左大門一坐上有鼓樓
五間二門牧場壘東連庫房西連幕亭儀仗所承發司吏戶禮
兵刑工房各六間堂後有延賓堂退恩堂宅舍保知縣楊濬建
講亭劉儀建省耕樓錢若愚建西有典史宅馬房一所土地司
四監俱在後門外

縣舊志縣治右當元廢縣時爲巡檢司至明成化年知縣楊豫
築垣以二里三分高以二丈五尺內建正堂五間簷棚五楹後
知縣秦渠又建道堂三間因年久傾圮己酉林知縣又修大堂

曰思軒後堂曰鑑水官衙在鑑水堂後正廳三間扁曰斃香東
西廂各三間舊爲庫幕廳俱在正堂之東邑庫之前東列架閣
房吏戶禮房一十二間西列承發兵刑工房一十二間戒石亭
在儀門內甬道中堂儀門三間角門二座迎賓館三間在儀門
外土地祠三間在賓館右俱明嘉靖年建林逢泰重修省新樓
在縣衙之東同亭在縣衙之左林知縣新建譙樓五間甃石作
臺下爲大門知縣劉滂移鐘於士林逢泰重建旌善亭在譙樓
南申明亭在旌善亭次

林逢泰同亭觀射詩序余公餘之暇閒步署旁周視有射亭
舊址在瓦礫中爰闢其地命胥役壯丁習射以修武詩云二
之日其同揜幽人遺風也亭之左右環植樹木尋得一井甃
之以資灌溉令民均有願農圃者聽其自便亦與民同

之之意也仍舊址築一亭爲觀射之所歲甲寅重陽工成名
之曰同亭偶集文似明司理王福守守戎張克其孝廉第五
文昭文昭刻似明賦詩因并紀之詩云築場爲圃
與民同遊步郊外拜下風懸榻花前隨玉塵焚香夜半和光
兼雲閣騰落鏃如樹上騎輕雪滿弓極日郊原空抵掌且
將莧菊莫論功

右縣署

縣舊志典史衙在縣署西前廳三間正屋三間東西廡六間縣
獄在捕衙之前建欽恤廡三間畫一祠一間

右典史署

明邠州志儒學在縣東成化十四年知縣楊謙建署縣事邠州
視目喬茂亨重建教諭署一所訓導署一所學倉二間射圃在

文廟左今廢

縣志志儒學明倫堂五間教諭宅在明倫堂後正廳三間廂房三間訓導宅在教諭宅右正廳三間西廂房三間博文約禮齋今三間號坊東西各七間以二門一拜角門二座東曰起鳳門西曰騰蛟門桂林坊南街

右教諭訓導署

明那州旌善醫學在縣南西向有馬餘仁建醫學與陰陽學并社學醫學并僧會司在縣東北大像寺內道會司在縣東北三里木泉村濟院在縣北官道二倉在縣西楊豫建有致禮亭劉儀建後倉侯臣建旌善亭在城舖右申

右陰陽學等

明邠州志布政分司在縣治西接察分司在縣治東府署在縣
治南石門巡檢司在石門山下今廢

縣舊志察院一座在縣治左廡宇久圯林知縣重修卽舊分司
也

右行署廢署

縣舊志石門關在縣東南兩壁如門堯石爲城舊設巡檢司又
于嶺上築岸門今巡檢司廢

右關

明邠州志三水縣西溪橋在迎恩門外杜家橋在西溪橋西二
里赤道橋在杜家橋西五里暗橋在縣北支唐川岸兩傍縣崖
中開道路嘉靖二十七年分巡道副使周洪範建鐵門一重覆
屋三間

縣志聚珍橋在縣西志岐門外知縣秦舉建今橋圯址存便
橋連西城通雙槐堡明末高知縣建年久水衝崩康熙乙卯林
知縣重修名曰鱗橋堯石架木上設堞牆以防不虞汎水橋在
縣南門外夏秋泛漲冬月架木爲梁民不病涉土橋在鎮城東
西門外東天橋久圯工大難成土人夾溪築小橋行放便之其
西橋數十武今亦崩壞林知縣捐貲募修以通往來細腰橋在
縣西四十里接邠州界長六十餘弓平接兩岸細如蜂腰故名
明張拱極聚珍橋記周禮合方氏掌達天下之道路津橋相
轉不得陷絕故天相見而成梁慮民病涉也三水城西數
武許溪水自北界來帶縣而南其東西岸距城郭閒甚常
也歲久滋深溪流滂沛行步艱難足脰瘡痍而攸往罔利
對峯馬君常遊於此愀然嘆息謂鄉耆杜氏綏曰川溼之阻

則濟梁之便民事也此司牧者之責耳廢弛玩愒漫不葺理
非予之任而誰耶蓋避嫌者牽顧慮之私而因循者憚經營
之勞卽廟廡學宮敗垣殘宇草礫相依犬豕交跡莫之問也
而况於此橋乎延捐金暨米穀若干資邑民之能幹者募草
若許世經李乾李艾等委以經費物侵其價工侵其貨塊石
爲骨齒土爲基歷數月而橋成焉君述幣察祠於予口鄭子
產以乘輿濟人於溱洧孟軻氏尚義不知爲政單襄公知悼
之必亡亦以川無梁也橋之係豈淺鮮哉君以明農之身教
然堂之乃爲司牧者所未爲則其德惠之及民豈徒見於尹
鄉堂時已因是悉君之存心矣是役也經始於萬曆八年二
月二十五日落成於九年三月十五日其衆輸若干所費若干
予不具述惟述登橋之意利民用用著君之績君名秉直字

養浩爲予親築宰鄉寧政聲藉甚其先君雙椿翁賢若兄南峯以高潔慕義無窮凡邑內廟觀多所創修故君之率作厥有所自云

明文雖厚高邑侯創建通堡石橋記維我邑峙鹵極之鹵實
掘三陟之吮八水之門庭也茲者流寇倏爲出沒窟每噴防
守之難矣有縣之有翼曰西堡與城犄角立迺古李恩齊也
兵舊處離城僅一水隔誠唇齒之要舉也我高侯暨國邑
於僉議壘壘增修深溝高壘更建一石漆道有夏則聯堡以
衛民無事則九泥以自固甚盛舉也於是準地程天鳩財規
日成慶肇興非但遺勳侯賦第近百兩給工學逸士庶
成輪乃...
三空四盡萬難...
功到香寶...

狻爾立津梁狻爾起匪侯愛民之苦心形之蕭率民諒侯之
至計竭之興作烏能觀成若此哉自是或有侵威而城藉堡
堅堡藉城固則民弗苦寇蠶或有遺訓而丁威禦城婦女備
堡則民弗苦兵難或有惺寐而緩急可由城之堡亦可由堡
之城則民又弗苦水怒一舉而三善倭焉余於斯橋亦云謹
志之一片石崇禎壬午仲夏朔且按文敏鳳好用古字此說
溱即梁字斐即事字賦即
獨字耳即工字學送即嗣後字歸婆即共襄字否即期字或
即戎字或即勇字性即任字俊即備字文誠可爲好古者然
諫字人見之無奇使世俗
者茫然莫辨亦可以已矣

縣冊土橋在鎮城東門外崩壞已久商旅病涉乾隆四十七年
署知縣齊球捐俸重修以利依往立有碑記

縣冊野茅溝在土橋鎮東南十里舊本無橋因雨衝崩險側難
行乾隆四十二年創修土橋一座以通往來

右橋

明邠州志登瀛坊爲馬良佐建鄉貢進士坊爲文嘉宗建桂林坊在儒學大門外毓秀坊在儒學二門外

右坊

縣冊看花官去城三十里舊名花谷俗謠爲官世傳唐尉選敬德植杜冉于此今有耻存

右古耻

三水縣志卷三終